



Progettù:

“TARRANÓA E TERRANOIA”

Finanziàtu da la Legghji 482 di lu 1999, altìcculi 9 e 15 e da la Legghji Regionali 22 di lu 2018.

Annualità 2022

CUMUNI DI TARRANÓA



FULMAZIONI DI LA LISTA DI LEVA PA' LI CIÓANI NATI ILL'ANNU 2006

LU SINDACU

**VISTI l'altìcculi 1932, 1933 e 1934 di lu Decrettu Legislativu di
la dì 15 di Malzu di lu 2010, n. 66,
bandìghja**

1 – A li màsci cióani chi ill'annu 2023 comprini diciott'anni, lu dovvéri di fassi puni illa lista di leva di lu Cumuni undi stani.

2 – A li genitóri e tutori di li cióani diffiniti illu puntu 1), l'ubbrìcu di avvìlguà l'iscrizioni illa lista di leva. A li passagghji posti a innanzi, risultani com'e accasati illu Cumuni:

- a) Li cióani cu' lu babbu, o si no àni babbu, la mamma o lu tutori, sò accasati illu Cumuni, mattessi siddhu iddhi àni la casa in un altu lócu, sò in silvìziu militari, ausenti, chi sò paltuti a fóra di lu statu, emancipati, ditinuti o fiddholi di unu chi è paltutu a fóra di lu statu, o di un militari chi è in silvìziu o prisgiunéri di gherra chi à autu l'ultima residenza illu Cumuni;
- b) Li cióani cun muddheri, chi àni lu babbu oppuru, si nò àni babbu, la mamma, chi stòchini illu Cumuni, fóra chi ghjustifichigghjani di aé la residenza legali in un altu Cumuni;
- c) Li cióani cun muddheri accasati illu Cumuni mattessi siddhu lu babbu, o siddhu no n'ani, la mamma, àni residenza in un altu lócu;

- d) Li ciòani cun muddheri, accasati o chi stani illu Cumuni, chi no àni babbu, mamma o tutori;
- e) Li ciòani nati o residenti illu Cumuni chi, no agattendisi illi punti inghjittati a innanzi, no ghjustifichigghjani la proppia iscrizioni in un altu Cumuni;

3 – A li punti inghjittati pa’ l’iscrizioni illi listi di leva, è impustata com’e residenza legali di lu ciòanu natu o chi stà fóra, lu Cumuni undi iddhu o la familia sóia sò pa’ ultimu accasati illu tirritoriu di la Repubblica; o, candu no si pó inghjittà infini, lu Cumuni inghjittatu da lu ciòanu; o, siddhu no v’è lu ‘nghjittu, lu Cumuni di Roma.

4 – Li ciòani accasati illu Cumuni, cu’ la data di nascita chi no pò esse cumpruàta cu’ li papéri ghjusti e chi sò accittati com’e in età ghjusta pa’ fà la leva, déni esse iscritti a li listi lu mattessi. Sò iscritti mattessi li ciòani chi, pa’ età presunta si presentani pa’ vuléri sóiu a l’iscrizioni, o sò dichjarati da lu babbu, da la mamma o da lu tutori.

5 – Li ciòani inghjittati a innanzi cancellati da li listi, cu’ lu provvidimentu di lu Sindacu, e illu casu ancóra da li ruoli, si, primma di intrà a fanni pàliti, risulta chi àni età sottu a chissa presunta, innant’a la basi di coppia autentica di attu di statu civili o di sentenza di lu Tribunali, chi cumpróa chi appaltenini pa’ età a la classi dapói di chissa chi li lista fáci rifirimentu.

PA’ INFULMAZIONI DUMMANDÀ AL’UFFICIU CUMUNALI DI LEVA.

Da la casa cumunali, la primma di di Ghjinnàgghju di lu 2023

LU SINDACU
Settimu Nizzi